

Nihánj me síj vij yanj cartá qui'yaj síí cu'naj Pedró ca'néé so' rihaan niж yuvij noco' man Diose a

¹ 'Unj ro', me síí cu'naj Simón Pedró síí 'yaj suun rihaan Jesucristó, nē apóstol cune' so' nata' rihaan yuvij che'é so' mej, nē qui'yáá 'unj yanj nihánj ca'nej 'unj rihaan soj sij noco' man Jesucristó, nē dan me se cuyaqan yu'vee nó soj ga nuj rihaan Diose ei. Dan me se síí nicá nimán me Jesucristó, nē amán rá soj ga nuj ni'yaj soj man Diose, qui'yaj Jesucristó, nē so' ro', me Diose síí noco' ni', nē so' me síí tinanii man ní' rihaan sayuun adonj.

² Me rá 'unj xcaj ndo'o soj cuentá che'é Diose do', che'é Jesucristó sij 'nij ra'a man ní' do', gaa nē ca'vee quirij' ndo'o soj se luј nē gaa xeј nimán soj, qui'yaj roj so' ei.

*Nanq nihánj taj xna'anj daj qui'yaj ní' nē canoco'
raan ní' man Jesucristó a*

³ Dan me se canacúún Diose man ní' cavii sa' uxrá ní' nē guun chij ní' ga ma'lan so', nē Jesucristó me se ya'lanj ndo'o rá so', nē so' me síí qui'yaj xcaj ní' cuentá che'é Diose, nē che'é dan ca'vee cayáán sa' ní' ga Diose, nē ve'é canoco' ní' man Diose, nē taj a doj rasuun cachijin man ní', qui'yaj so' ma'. ⁴ Nē che'é dan cata' tu'va so' che'é niж se luј qui'yaj ndo'o so' che'é ní', che'é rej ca'vee quinanii soj rihaan se chi'ji nuu nimán niж síí mān rihaan

chumij nihánj, ne ase vaa ma'ān Diose ro', dānj gaa soj ei.

⁵ Né che'é dan soj sij amán rá ni'yaj man Jesucristó me se yo'o naqui'yaj cū soj che'é se-tucuanj Diose, ne naqui'yaj sca' ndo'o soj nimán soj, ne asa' guun sca' nimán soj, gaa ne terquee soj xcaj soj cuentá sa' doj che'é se-nānā Diose, ⁶ ne asa' quene'en sa' soj se-nānā Diose, gaa ne terquee soj guun soj síi tumé sa' man ma'ān daj qui'yaj ma'ān, ne asa' quisíj tumé sa' soj man ma'ān soj, gaa ne terquee soj guun nucuaj nimán soj rihaan sayuun, ne asa' quisíj guun nucuaj nimán soj rihaan sayuun, gaa ne terquee soj qui'yaj soj ndaa vaa me rá Diose qui'yaj soj, ⁷ ne asa' quisíj nari' soj qui'yaj soj ndaa vaa me rá Diose, gaa ne terquee soj cunu ni'yān̄j nimán soj, ne asa' quisíj cunu ni'yān̄j nimán soj, gaa ne terquee soj cunu 'ee rá soj ni'yaj soj tuvi' soj ei.

⁸ Dan me se sese doj a nari' soj qui'yaj soj nu' dānj daj a güii, gaa ne se ca'vee guun soj síi ni'yon síi ne ne'en qui'yaj suun che'é Diose a ma'. Tananj sa' uxrá doj quene'en soj man Jesucristó sij 'nij ra'a man ní' adonj. ⁹ Tzaj né síi ataa nari' qui'yaj nu' ndaa vaa taj 'unj nihánj me se ase vaa síi ne ruvi' gan' ni'yaj vaa so', se vaa síi tuchrji vaa so', ne nichrun' yáj tacúún so' ruvi' ni'yaj so', né taj se 'yá' xcaj so' cuentá che'é nij rasuun nocoo doj a man adonj. Né dan me se quini'yón so' nu' cacun' naruvii xráá so' gaa rque nānj adonj.

¹⁰ Che'é dan me doj a tananj terquee ndo'o soj canoco' raan soj man Diose, tinuj, nocoj. Dan, gaa ne quene'en ya soj se vaa nacúún Diose man soj

ne narii Diose man soj cavii sa' soj ga so', ne daj chihaq mój se quiri' soj rihaan Diose ma!. ¹¹ Gaa ne Jesucristó sij 'nij ra'a man ní' síi tinanii man ní' rihaan sayuun ro', ve'é uxrá nucui' sa' soj rej guun chij so' nu' cavii nu' ca'anj, qui'yaj so' chuguañj.

¹² Che'é dan ndaq' se aj ne'en soj nanq nihánj, ne ndaq' se aj guun che'ë soj canoco' soj se-nanq Diose nanq ya vaa rihaan soj, tzaj ne nano nigänj 'unj nanq nihánj rihaan soj se gaa nanj quini'yon soj ei. ¹³ Vaa che'é ndo'o nanoj nanq nihánj rihaan soj yaj gaa vaa i'nä! 'unj rihaan chumii nihánj, raj chuguañj. ¹⁴ 'Q se aj ne'enj se vaa nichrûn' cavii 'unj, ndaq' vaa cataj Jesucristó sij 'nij ra'a man ní' rihanj, ¹⁵ ne che'é dan yo'ø qui'yaj ndaq' daj a ca'vee ma'an, gaa ne nda' se cavij, tzaj ne yo'o cunuû rá soj nanq sa' nihánj ei.

*Nanq nihánj taj xna'anj se vaa quene'en nij tuvi'
Pedró se vaa síi uun chij me Jesucristó a*

¹⁶ 'Q se gaa cataj xna'anj núj rihaan soj se vaa ca'na' uún Jesucristó sij 'nij ra'a man ní' rihaan chumii nihánj ne gaa nucuaj ndo'o so' asa' ca'na' so', ne nuveé cuéntó avii raq ma'ñ nuj me yo' ma'. Rihaan ma'ñ nuj quene'en nuj se vaa síi sa' uxrá me so' adonj. ¹⁷ Ya sij uun chij me so', cataj Diose, gaa ca'mii Diose nanq nihánj rihaan so' a: "Ta'núi 'unj síi 'ee ndo'o raj man mé so', ne niha' ndo'o raj ni'yaj mán so' adonj", taj Diose rihaan so' adonj. ¹⁸ Xréé ma'ñ nuj cuno nuj nanq nihánj nanq cavii rej xta' gaa cumán nuj xráá quiij gueé ga so' ei.

¹⁹ Che'é se quene'en nuj ndaq' vaa guun chij Jesucristó qui'yaj Diose, che'é dan doj a cuchumán rá nuj nanq cachrón nij síi nata' se-nanq Diose gaa

naá chuguānj. Nē sa' qui'yaj soj, sese xcaj ma'ān soj cuentá che'é nanā ca'mii niж so' ei. 'Q se ase vaa ya'an chuguūn racuј man niж síí yanj rej rmí' ro', dānj vaa se-nanā niж so', racuј yo' man ní' gaa yáán ní' chumiј nihánj adonj. Tzaj nē vaa güii quene'en soj man ma'ān Jesucristó, nē se cachiin uún se-nanā niж síí mān gaa naá rihaan soj ma'. 'Q se ase vaa yati' xta'ngaa chuguūn gaa rej nichruј' rá ranga' ro', dānj gaa so', quene'en nimán soj rej sa', qui'yaj so' a. ²⁰ Maan se asino yaan xcaj soj cuentá che'é se-nanā niж síí nata' se-nanā Diose gaa naá, nē nuveé raa ma'ān niж so' cavii nana cachrón niж so' rihaan yanj ma'. ²¹ 'Q se a 'ó yuvii qui'yaj ca'na' se-nanā Diose rihaan chumiј nihánj cuno yo'ó niж yuvii ma'. Maan se Nimán Diose me síí qui'yaj ca'mii niж yuvii nanā cavii rihaan ma'ān ya Diose adonj.

2

Nanā nihánj taj xna'anj che'é niж síí nago' tu-cuáán nē a

¹ Tzaj nē cumán uxrá niж síí nē nata' se-nanā Diose gaa naá rihaan niж síí israelitá, nē ndaa rá se vaa niж síí nē gaa naá ro', ta'nga' dānj vaa niж síí nē cuchiј rihaan soj narque тucuáán nē rihaan soj adonj. Nē sese cuchumān rá soj, nē ca'anj soj rihaan ya'an ga nij so' a. Dan me se Jesucristó sij 'nij ra'a man ní' ro', cavi' so' che'é rej ca'vee quinaniј niж so' rihaan sayuun, tzaj nē ma'ān niж so' me se inanā nanā nē a'mii niж so' che'é Jesucristó, nē che'é dan quiran' ra'yānj ya nij so' sayuun, qui'yaj Diose a. ² Tzaj nē canoco' que'ee

nij síí amán rá ni'yaj man Jesucristó man nij síí ne yo', ne qui'yaj ndo'o nij so' nu' tucuáán chi'ii, ne che'é tucuáán chi'ii 'yaj nij so' ro', che'é dan ca'mii nij síí ne amán rá ni'yaj man Diose nana nij che'é se-tucuanj Diose tucuáán ya ei. ³ Guun rá nij síí narquet tucuáán ne yo' qui'yaj canaán ndo'o nij so' sa'anj, ne che'é dan nanot nij so' nanat ne ca'mii nij so' rihaan nij soj, tzaj ne asij naá cataj Diose se vaa quiran' ndo'o nij so' sayuun vaa güii, ne ya uxrá quiran' nij so' sayuun ei.

⁴ Dan me se aj ne'en soj se vaa ne caraq x'naa Diose a rihaan ma'qan nij se-mozó so' gaa qui'yaj nij so' cacun' a ma'. Ya ca'néé Diose man nij so' rej quiran' nij so' sayuun, ne numíj Diose aga' ne' man nij so', nago' Diose man nij so' rej rmi' quiran' nij so' sayuun, ne dan me se dan gaa cumán nij so' ndaq güii ca'ne' Diose cacun' che'é nij so' adonj. ⁵ Ne aj ne'en soj se vaa ne caraq x'naa Diose a rihaan nij síí cumán gaa naá ma'. Maqan tuñj guet nij tuví' síí cu'naj Noé síí ca'mii natáj nana sa' rihaan yuvij se vaa ca'vee cunus sa' nij yuvij rihaan Diose ro', inanj nij so' me nij síí quinanii rihaan sayuun qui'yaj Diose, gaa ca'ne' rá Diose ca'na' na ya'qan, ne canó xráá nij síí chi'ii maqan rihaan chumij nihánj, che'é se ne cuno nij so' rihaan Diose adonj. ⁶ Tanan uún, ne ne'en soj se vaa yuun che'e cacaq nu' roj chuman' cu'naj Sodoma go Gomorra, qui'yaj Diose uún, ne dan me se cataj Diose se vaa daj chihaq míj se cumán uún yuvij roj chuman' yo', ne dan qui'yaj Diose che'é se guun rá Diose xcaj ní' cuentá daj quiran' nu' nij síí na'vej rá cuno rihaan Diose a. ⁷ Tzaj ne tinanii

Diose man síí cu'naj Lot rihaan sayuun yo', che'é se síí nicä nimán me síí cu'naj Lot yo', né quiri' rá síí cu'naj Lot che'é se chi'ii qui'yaj nij síí tucuáá rihaan Diose nij síí cumán roj chuman' yo' a. ⁸ Dan me se gaa cayáán síí nicä nimán yo' chiháán nij so', né daj a güii quene'en so' se chi'ii qui'yaj nij síí chi'ii yo', né cuno so' nu^u nana^u chi'ii ca'mii nij so' a. Veé dan, né quiri' ndo'o rá so' a.

⁹ Tzaj né síí 'nij ra'a man ní' me se nacaj so' man nij síí no^o man so', né tⁱnani so' man nij so' rihaan sayuun, né veé danj g^uun nucuaj so' tumé so' man nij síí chi'ii, né yo'ó quiran' nij síí chi'ii yo' sayuun ndaa se quisij güii ca'né^u so' cacun' che'é nij so' adonj. ¹⁰ Dan me se táá a qui'yaj so' man nij síí chéé se-tucuanj ma'an, né 'yaj nij so' ndaa vaa me rá ne^e man ma'an nij so', né nachri' nij so' ni'yaj nij so' man Jesucristó sij 'nij ra'a man ní', né síí a'mii xta' ndo'o me nij so', né a 'ó xco' ne na'aj nij so' a ma'. Né ne chu'vi' nij so' ca'mii nij so' nana nij che'é nij ya'anj uun chij rihaan nij rasu^un m^an rihaan chumij nihánj a ma'. ¹¹ Né nanj sij nucuaj doj me nij se-mozó Diose nij síí no^o sa^u man so', tzaj né ne quisij rá nij so' cuchi^u nij so' rihaan síí 'nij ra'a man ní' né cuta^u nij so' cacun' xráá nij ya'anj yo' ma'.

¹² Tzaj né ase vaa xcuu ne acaj cuentá, né ta'aa nii, né ticavi' nii man ro', danj vaa nij síí narqué tucuáán né yo' ei. Ne acaj nij so' cuentá daj vaa nij ya'anj, tzaj né a'mii nij so' nana^u nij che'é nij ya'anj yo', né che'é dan quiran' nij so' sayuun ndaa vaa quiran' ma'an nij ya'anj yo' vaa güii, qui'yaj Diose, ¹³ né dan me se naru'vee Diose sayuun rihaan nij

so' che'é sayuun qui'yaj niж so' man tuvi' niж so' adonj. Nihq' rá niж so' qui'yaj niж so' se niж rej ranga', ne veé dānq nihq' ndo'o rá niж so' gaa chá niж so' chraa gä soj, ne che'é dan tiri' niж so' man soj gaa nuu chre' soj chä soj chraa adonj. ¹⁴ Inanj me rá niж síí narqué tucuáán ne ni'yaj niж so' man chanä nihq' rá, ne ne a'ne' rá niж so' gä suun 'yaj cacun' ä ma'. Tiha' yu'unj niж so' man niж síí ne nicaj raan se-tucuanj Diose, ne yo'o vaa nimán niж so' me rá niж so' quirj' ndo'o niж so' sa'anj ei. Ase vaa xnii mañá ndo'o ro', dānq vaa niж so', ne ya quiran' ndo'o niж so' sayuun vaa güii chuguanj.

¹⁵ Tanáj niж so' se-tucuanj Diose tucuáán nicä, ne canoco' niж so' tucuáán ne, ne ase vaa qui'yaj síí cu'naj Balaam ta'níí Beor gaa naá ro', dānq qui'yaj niж so' ei. Ne síí cu'naj Balaam me se che'é se guun rá so' ni'yaj so' sa'anj, ne qui'yaj so' cacun', ¹⁶ tzaj ne ase vaa a'mii yuvij ro', dānq ca'mii daán so' burró rihaan so', ne cuta' daán so' burró cacun' xráá so', ne dan me se caráán daán so' burró chrej rihaan so' qui'yaj chi'ij rma'qan so' rihaan Diose, qui'yaj Diose adonj.

¹⁷ Ne ase vaa curuj na utun' ro', dānq vaa niж so', ne ase vaa ngaa achén rma'qan 'yaj nanä ne ne aman' maqan 'yaj ro', dānq vaa niж síí narqué tucuáán ne yo', ne guun na'aj ndo'o niж yuvij nucuaj rá man niж so' ei. Aj cataj Diose se vaa cune' Diose man niж so' rej rmij' ndo'o nu' cavii nu' ca'anj adonj.

¹⁸ Dan me se a'mii xta' ndo'o niж so' nanä niж rma'qan, ne uno niж síí cuchumán nacä rá ni'yaj man Jesucristó, ne ndä' se tihaj guun yaníj niж so' rihaan niж síí ne acaj cuentá män rihaan chumij nihánj, tzaj ne nanicaj niж so', ne tanáj niж so' chrej

sá', nē 'yaj uún nij so' se chi'ii ndāa vaa me rá ma'an nij so' qui'yaj nij so', ¹⁹ nē taj nij síí narqué tucuáán nē rihaan yuvii, nē: "Ca'vee qui'yaj soj me ma'an se me rá soj ei", taj nij síí narqué tucuáán nē rihaan nij síí cuchumán nacá rá yo', tzaj nē ma'an nij so' ro', me mozó 'yaj suun che'é rej quiri' nu'u nimán yuvii adonj. 'O se me ma'an rasuun 'yaj canaán rihaan ní' ro', yo' me rasuun 'yaj suun ní' rihaan, nē mozó me ní' rihaan yo' adonj. ²⁰ 'O se gaa rque me se xcaj nij so' cuentá che'é Jesucristó sij 'nij ra'a man ní' síí tinanii man ní' rihaan chrej chi'ii uun chij nimán ní' do', rihaan cunudanj chrej chi'ii man rihaan chumii nihánj do', tzaj nē yaj me se nanicaj nij so' qui'yaj uún nij so' chi'ii, nē ndāa qui'yaj canaán chrej chi'ii yo' rihaan nij so', nē dan me se asino yaan me se maan ta'nga' nij vaa nij so', tzaj nē yaj me se chi'ii doj vaa nij so' adonj. ²¹ Cavii sá' nij so' doj sese ne quene'en nij so' se-tucuanj Diose tucuáán nica se vaa yaj quene'en nij so' se-tucuanj Diose, gaa nē nanicaj uún nij so' tanáj nij so' tucuáán sá' nago' Diose man nij so' saj adonj. ²² Ase vaa 'yaj nij so' vaa nana ya nihánj a: "Uchráán chuvee, gaa nē anicaj uún xo' chá xo' se-cuchranj xo' a", nē vaa se-nana xcáá uún taj: "Quisíj cane xcáá na sá', gaa nē anicaj uún xo' natúj xo' rá sigui' a", vaa yo'ó nana taj xna'anj daj 'yaj nij síí narqué tucuáán nē yo' a.

3

Nana nihánj taj xna'anj se vaa taj ní'yón ca'na' uún Jesucristó rihaan chumii nihánj a

1 Nihánj me yanj vij ca'nej 'unj rihaan soj, tinuj, nocoj. Rihaan roj yanj nihánj nanoj se-nanq Dioseq rihaan soj che'é se me raj xcaj soj cuentá che'é rej sa'q ei. 'Q se sij me ya' rá canoco' man Dioseq me soj, **2** ne me raj ninuj rá soj nanq ca'mii nij síí vaa sa' rihaan Dioseq síí nata' se-nanq Dioseq gaa naá, ne me raj ninuj rá soj se-nanq Jesucristó sij 'nij ra'a man ní' síí tinanii man ní' rihaan sayuun nanaq narqué nuj sij apóstol cune' so' man rihaan soj a.

3 Tzaj ne vaa che'é ndo'o xcaj nij soj cuentá, ne ca'nqa' síí a'nga' nacoo ni'yaj man soj asa' nichruñ' ca'nqa' uún Jesucristó rihaan chumij nihánj, ne náá guun se nij gun rá nij so' qui'yaj nij so' a. **4** Gaa ne cataj nij so' nanq nihánj rihaan soj a: "Cataj nij síí nata' se-nanq Dioseq ga naá rihaan xii ní' se vaa ca'nqa' uún Jesucristó rihaan chumij nihánj, tzaj ne ne ca'nqa' uún so' chiha'. Veé danj vaa cavi' xii ní', ne taj vaj so' ca'nqa' man asanj. Veé ase vaa chumij gaa asino curuvi' chumij ro', veé danj vaa gueq chumij ndaqa cuano nanj asanj", cataj nij so' ca'nga' nacoo nij so' rihaan soj a.

5 Dan me se danj cataj nij so' che'é se na'vej rá nij so' xcaj nij so' cuentá ndaqa vaa curuvi' chumij gaa naá qui'yaj Diose ei. Tzaj ne ca'mii Diose, ne guun rej xtaq', ne curihanj yo'óó nacoo rque na ya'anj chuguanj. **6** Gaa ne gaa naá me se ca'anj ni'yaj nij yuvij man rihaan chumij, qui'yaj maan do', na ya'anj do' ei. **7** Tzaj ne xtaq' ga yo'óó man ní' cuano me se ma'anj Diose ca'mii, ne cataj Diose se vaa quinaj roj yo' ndaqa se quisij güii ca'ne' Diose cacun' che'é nij síí chi'ij, gaa ne nu' che'é cacaqa nij so' chuguanj. Ne güii yo' me se ca'nej Diose ya'an,

ne cacaqa nu'l xta'l ga yo'óó man ní cuano, ne ca'anj ni'yl uún yo' adonj.

⁸ Se quini'yón soj nanq nihánj, man tinuj, man nocoj. Ase vaa 'o míj yo' vaa orún' güii rihaan síi 'nij ra'a man ní', ne ase vaa orún' güii vaa 'o míj yo' rihaan so' ei. ⁹ Ta'aj nij yuvij me se guun raan ndo'o Diose qui'yaj Diose ndaqa vaa cataj so' gaa naá, rá nij so', tzaj ne se guun raan Diose mei. Maqan se inaj nimán Diose ni'yaj Diose man soj, ne na'vej rá Diose cavij nimán qa doj tuvi' soj mei. Tananj me rá so' cañicaj nimán taran' soj ne tanáj xco soj tucuáán chi'ij chuguanj.

¹⁰ Tzaj ne taj ni'yón quisij güii ca'ne' Diose cacun' che'é yuvij ei. Dan me se cariin ndo'o ca'anj ni'yl xta'l, ne quinavij nu'l nij se man rej xta'l cacaqa, ne ca'anj ni'yl yo'óó ga nu'l se man rihaan yo'óó adonj. ¹¹ Che'é se ca'anj ni'yl chumij, che'é dan se guun nano rá soj che'é rasuun man rihaan chumij nihánj ma'. Tananj xcaj soj cuentá che'é rej daj qui'yaj soj canoco' raan soj man Diose ei. ¹² Na'vij soj quisij güii yo', ne ve'é canoco' soj man Diose che'é rej ra'ylanj doj quisij güii yo' chuguanj. Ne güii yo' me se quinavij nu'l xta'l cacaqa, ne nacune nu'l nij rasuun man rej xta'l yo' ei. ¹³ Tzaj ne aj cataj Diose se vaa ya gaa yo'óó yo'óó naca, ne gaa yo'ó rej xta'l naca, ne inanj se sa' qui'yaj nij síi cuman rej yo' asa quisij ei. Dan me se na'vij ndo'o ní quisij güii yo' cuaj ei.

¹⁴ Che'é se na'vij ní güii yo' ro', che'é dan terqueq soj doj qui'yaj soj se sa' inanj rihaan Diose, ne se gaa nanj cütumé soj cacun' asa ca'na' uún Jesucristó ei. Ne dínj gaa nimán soj, tinuj, nocoj.

¹⁵ Xcaj soj cuentá se vaa na'vij Diose nān̄j che'ē se me rá so' quinanii niж yuvij rihaan sayuun chuguānj. Veé dānj taj uún niж nanā cachrón tinú' Pabló rihaan yanj ca'néé so' rihaan soj, ndāa vaa chrej cūu narqué Diose rihaan so' a. ¹⁶ Dan me se daj q niж yanj cartá qui'yaj Pabló ro', ca'mii so' che'ē rasuun nihánj, ne vaa doj nana cūu sayuun cunó' nó rihaan yanj qui'yaj so', ne dan me se niж síi ne ne'en do', niж síi uun vij rá me se tinicaj niж so' se-nana Pabló, ne a'mii ne niж so' che'ē Pabló, taj niж so' se vaa inq vaa tucuáán tucu'yón so' a. Ne dānj 'yaj niж so' ga yo'ó niж nana no rihaan danj Diose uún, ne che'ē dan quiran' ndo'o niж so' sayuun vaa güii adonj.

¹⁷ Aj cataj xna'anj 'unj rihaan soj che'ē niж síi narqué tucuáán ne ca'nā' rihaan soj vaa güii, tinuj, nocoj. Che'ē dan tadó uxrá soj se gaa nān̄j canoco' soj tucuáán ne narqué niж síi na'vej rá cuno rihaan Diose yo' ei. Sese canoco' soj se-nana niж so', ne guun vij rá soj, qui'yaj niж so' ei. ¹⁸ Che'ē dan yo'o guun rá soj ní'yaj soj se luj rqué Diose rihaan soj, ne yo'o guun rá soj xcaj soj cuentá sa' doj che'ē Jesucristó sij 'nij ra'a man ní' síi tinanii man ní' rihaan sayuun adonj. Vaa che'ē ndo'o cataj ní' se vaa sij sa' ndo'o me so' ne sij sa' ndo'o guun so' nu' cavii nu' ca'anj adonj. Veé dānj gaa ya ei.

Se-nānā Diosē nanā sā' me rá catūū nimán ní'
a
**New Testament in Triqui, Copala (MX:trc:Triqui,
Copala)**

copyright © 1987 Wycliffe Bible Translators, Inc.

Language: Triqui, Copala

Translation by: Wycliffe Bible Translators, Inc.

Triqui, Copala [trc], Mexico

Copyright Information

© 1987, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Triqui, Copala

© 1987, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
3a8f2838-fe9f-5490-8d78-a7bbffddab871